

Broj:13.12.2017.

Datum:L07-12/17

ZAPISNIK

Sa pete sjednice LEF-a u novom sazivu

Sjednica je održana u srijedu, 13.12.2017. godine sa početkom u 14:30. Sastanku su prisustvovali:

Sjednici su prisustvovali: Predsjedavajući OV Žepče Muhamed Jusufović, pomoćnik Načelnika za gospodarstvo i finansije Namik Maličbegović, pomoćnica Načelnika za graditeljstvo i prostorno uređenje Brigita Lovrić, pomoćnik direktora SMŠ „Žepče“ Nedim Mehić, ravnatelj TOŠ KŠC Don Bosco Marinko Antunović, „Bositex“ d.o.o Žepče – Ferid Ajan, „Prograd“ d.o.o Ašir Mehić, Frigošped d.o.o - Edin Čaušević, JP Komunalno – Mirko Šumić, Fotograf –zlatar Dunder – Drago Dunder, „K-Projekt d.o.o Žepče – Nikola Borovac, Berina Grahić – Mudželet – RAŽ, Jugoslav Sarajlić – RAŽ.

Za sjednicu je predviđen dnevni red:

1. Usvajanje zapisnika sa prethodne sjednice LEF-a;
2. Izvještaj o realizaciji Akcionog plana Strategije razvoja Općine Žepče za 2017. godinu;
3. Izvještaj o realizaciji Akcionog plana PKI Općine Žepče za 2017. godinu;
4. Nacrt budžeta/proračuna Općine Žepče za 2018. godinu
5. Grant šema za MSP sektor Općine Žepče;
6. Inicijative LEF-a
7. Analiza anketa o zadovoljstvu privatnog sektora uslugama javnog sektora u 2017. godini

Ad1

Nakon uvodne riječi predsjednika, predložen je dnevni red na usvajanje. Kao dopunu, direktor JP Komunalno d.o.o Žepče predložio je informaciju o aktualnoj problematici vodosnabdijevanja u Općini Žepče što je i usvojeno.

Ad1

Zapisnik sa prethodne sjednice je usvojen jednoglasno.

Ad2

Jugoslav Sarajlić ispred RAŽ-a prezentirao je pripremljeni Izvještaj o realizaciji Akcionog plana Strategije razvoja Općine Žepče za 2017. godinu. s obzirom da dodatnih sugestija nije bilo, Izvještaj je jednoglasno usvojen.

Ad3

Jugoslav Sarajlić ispred RAŽ-a prezentirao je Izvještaj o realizaciji Akcionog plana PKI Općine Žepče za 2017. godinu. Otvorena je diskusija čiji je zaključak bio da privatni sektor treba više konsultovati prilikom izrade AP PKI. Josip Jukić je napomenuo da je pri izradi PKI Općine Žepče formiran Koordinacioni tim za izradu u čijem su sastavu članovi LEF-a.

Ad4

Namik Maličbegović predstavio je Nacrt budžeta/proračuna za 2018. godinu te elaborirao predloženu strukturu prihoda i rashoda.

Edin Čaušević – Frigošped d.o.o sugerirao je da je značajan iznos budžeta planiran za kapitalne investicije. Ašir Mehić naglasio je da budžet treba da sadrži liniju za poticaj privredi te da LEF treba da se zalaže za lokalni ekonomski razvoj Općine Žepče. Također je ponovio i naglasio

inicijativu za smanjenjem općinskih taksi. Brigita Lovrić, pomoćnica Načelnika za graditeljstvo i prostorno uređenje navela je primjer olakšica koje je Općina Žepče već uvela privrednicima referirajući se na Odluku o izmjeni odluke o građevinskom zemljištu kojom je smanjena renta i naknada za uređenje građevinskog zemljišta.

LEF usvaja Nacrt budžeta/proračuna za 2018. godinu uz napomenu da se u istom osiguraju sredstva za podršku razvoju MSP sektoru.

Ad5

Berina Grahić – Mudžolet ispred RAŽ-a prezentirala je prijedlog grant šeme Općine Žepče za MSP sektor u 2018. godini nakon čega je otvorena diskusija.

Ašir Mehić iz Prograd d.o.o Žepče naglasio je da MSP sektoru u Općini Žepče nije potreba podrška pri uvođenju međunarodnih standarda kvaliteta kao ni obuke menadžmenta nego konkretnija podrška u smislu podrške pri zaposlenju.

Nedim Mehić ispred SMS „Žepče“ predložio je da se u smislu podrške MSP sektoru planiraju sredstva za stipendiranje učenika u deficitarnim zanimanjima kao i sredstva za pratičnu nastavu učenika završnih razreda u firmama na način da se nakon završene nastave određeni broj polaznika uposli.

Brigita Lovrić predložila je da se u smislu poticaja privrednicima osiguraju sredstva za poreze i doprinose na plate novih radnika.

Josip Jukić predlaže uspostavu poslovnog izloga žepačkih firmi koji će biti reklama za sve žepčake firme a koji će biti na frekventnom mjestu u gradu kako bi svi koji posjete Općinu Žepče imali priliku da se upoznaju sa privredom Općine. Također predlaže da se donese Odluka da firme koje grade na području Općine Žepče moraju upošljavati lokalne radnike a ne uvoziti radnu snagu iz susjednih gradova.

Nakon diskusije, zaključeno je da se formira radna grupa predstavnika privatnog sektora kako bi detaljnije razradili grant šemu. Uz suglasnost ostalih članova LEF-a, imenovana je radna grupa u sastavu: Ašir Mehić – „Prograd“ d.o.o Žepče, Edin Čaušević – „Frigošped“ d.o.o Žepče, Nikola Borovac – „K- Projekt“ d.o.o Žepče, Namik Maličbegović – pomoćnik Načelnika za gospodarstvo i finansije Općine Žepče i predsjednik LEF-a.

Sastanak radne grupe zakazan je za utorak, 19.12.2017. godine u 16:00 sati.

Ad6

Berina Grahić – Mudžolet ispred RAŽ-a informirala je o pokrenutim inicijativama sa prethodne sjednice. Direktor JP Komunalno je napomenuo da se nakon pokrenute i usvojene inicijative da se lokalnim poljoprivrednicima osiguraju besplatni štandovi na lokalnoj tržnici, niko nije prijavio za korištenje istih.

Nedim Mehić pokrenuo je inicijativu da vatrogasci povremeno peru gradske ulice. Ferid Ajan podsjetio je na pokrenutu inicijativu „Vatrogastvo“.

Zaključeno je da se u 2018. godini organizuju tematske sjednice i to:

- Sjednica sa predstavnicima Službe za zapošljavanje ZDK, Federalnog zavoda za zapošljavanje kako bi se razgovaralo o trenutnoj situaciji na tržištu rada, tretmanu neaktivnih nezaposlenih, razdvajanju zdravstvenog osiguranja od Biroa rada, programima za podršku zapošljavanja. Prije pozivanja odgovornih osoba ispred ovih institucija na sjednicu LEF-a, LEF će pripremiti pitanja na koja treba odgovoriti na istoj;
- Sjednica sa predstavnicima viših razina vlasti koji potiču iz Općine Žepče a delegirani su u izvršnoj i zakonodavnoj vlasti kako bi se sa njima razgovaralo o mogućoj podršci Općini Žepče i Žepačkim privrednicima;
- Sjednica sa predstavnicima PU Žepče kako bi se razgovaralo na temu: prosjačenja, narkomanije, krađa i rada policijskih službenika.

Ad7

Analizu ankete privatnog sektora o zadovoljstvu uslugama javnog sektora prezentirala je Berina Grahić-Mudžolet. Nakon osvrta na ključne nalaze istaknute su osnovne preporuke analize koji se odnose na : programe poticaja i unaprjeđenje poslovnog okruženja.

Kod programa poticaja privrednicima je najvažniji poticaj za radnu snagu. Kod unaprjeđenja poslovnog okruženja privrednicima je važna komunikacija sa općinskom administracijom, promocija lokalne privrede, saradnja sa višim razinama vlasti te saradnja sa dijasporom. U tom smislu istaknuto je da se za 2018. godinu kreira grant šema o kojoj je bilo riječi pod A5.

Analiza je dana na diskusiju. Josip Jukić naglašava da je ranije iznesene prijedlog uspostave Žepačkog izloga ideja za kvalitetniju promociju žepačke privrede. Također naglašava važnost komunikacije sa višim razinama vlasti kako bi se donosili propisi koji olakšavaju poslovanje. Analiza je usvojena zajedno sa datim preporukama.

Ad8

Mirko Šumić, direktor JP Komunalno informirao je LEF o trenutnoj situaciji u vodosnabdijevanju u Općini Žepče te istakao probleme na terenu koji su se javili pri gospodarenju šumskim područjem u nadležnosti RS-a a koje direktno utiče na zagađivanje gradske vode čije je izvorište (Ravna rijeka) u neposrednoj blizini šuma u nadležnosti RS-a. Pojasnio je da se na rješavanju tog problema radi te da se o svakom prekidu ili zamučivanju vode redovno obavještava. LEF prima k znanju ovu informaciju.

Sjednica završava u 17:15 h.

Zapisnik vodila


Berina Grahić - Mudžolet


Predsjednik LEF-a

Namik Malićbegović